



Selasa, 28 Mei 2024
Ogen: Masmur 21:5



Geluh Si La Erkeri-Kerin



Sada tokoh si jadi contoh kegeluhen kalak pilihan Tuhan e me raja Daud. Ia sekalak si i bas usia nguda pe nggo ndatken pendilo si mbelin i bas geluhna. I bas proses pembentukan dirina jadi sekalak raja si mbelin i tengah-tengah bangsa Israel, sada hal si menonjol i bas diri Daud e me kerembakenna ras Tuhan. Amin gia bas piga-piga bagin i bas Pustaka Si Badia icidahken ka kelemahen Daud selaku manusia. Tapi sada masa i bas puncak kejayanna selaku raja si sukses, rakyatna pe ngidah bahwa kerina e ialokenna erkiteken kerembakenna ras Tuhan si luar biasa e.

Masmur 21 enda enden-nden si ipenangkih bangsa Israel kerna kemenangan raja. Guna ngatakan selamat ras mereken kehamaten man raja. Ipujiken bangsa e pe Tuhan si ngelakoken kerina, lebihen asangken siniarapken raja Daud jine. Raja Daud ertoto guna keselamatenna i bas medan perang, tapi si ibahan Tuhan la terjeng guna keselamatan geluhna, tapi bere Tuhan jaminen man bana kegeluhen si rasa lalap. Seh kesusurena pe ipasu-pasu Tuhan. Kesusuren Daud tetap njemak kuasa, seh ku Jesus pe tubuh arah garis kesusurena, si njemak kursi kinirajan surga si rasa lalap. Labo hal si aneh adina Tuhan ngaloi pertoton lebih asangken si ipindo kita. Sabap Tuhan kap si ngetehsa kai si ateNa ilakokenna nandangi kegeluhenta e. Siutamana e me uga kita njadikan geluhta bagi biak raja Daud. Kenca ialokenna pendilo Tuhan, tetap setia dengen tutus ia, seh jelma si enterem pe ngidah uga kinitekenna e erbuah bas kegeluhen. Amin gia rusur terancam kegeluhenna tapi kerina e idalanina saja raduken ras Tuhanna. Banci jadi kita erpala-pala ndalani kegeluhen, tapi tetaplal ertoto ras erdalan maju. Bagi kalak si nangkih deleng, dalan e nangkeng-nangkeng menam kerikesahta, tapi dalanilah Tuhan ban cikenna, sabap penatapen si mehuli nimai kita i datas, seh pagi paksana malem ateta.

☞ Pujin ras semarak doni masap, tapi keleng ateNa tetap rasa